

第十通第五種

續通志

第二冊

商務印書館發行

D691.5
15/2

種五第通十

志通續

冊二第

撰敕宗高清

列傳

唐十一

蘇世長

章雲起

孫伏伽

張玄素

蘇世長京兆武功人父振周宕州刺史建威縣侯世長十餘歲上書周武帝帝問讀何書以孝經論語對令舉其詞對曰孝經曰爲國者不敢侮寡論語曰爲政以德帝善之使卒學虎門館父死王事有詔襲爵世長號踊不自勝帝爲改容入隋爲長安令數條上便宜大業末爲鄆水少監督漕上江會場帝被弒發喪勵道路王世充僭號以爲行臺右僕射與豆盧行襲輔兄子弘烈鎮襄陽高祖與二人有舊數遣使諭降行襲殺之洛陽平始與弘烈來歸帝誅行襲而責世長世長曰古帝王受命比之逐鹿豈有獲鹿後忿同獵者問爭肉罪耶今陛下應天順人安可忘管仲雍齒事且武功舊人亂離後死亡畧盡唯臣幸存若殺之是絕其類也帝笑釋之授五山屯監引見玄武門與語平生調之曰卿自謂佞耶直耶對曰愚且直帝曰然則何爲背世充歸我曰世充平天下爲一臣智窮力屈乃歸陛下使世充不死臣據漢南猶爲勅敵帝大笑復嘲之曰卿名長意短口正心邪世長曰名長意短誠如聖旨口正心邪未敢奉詔青寶融以河西降漢十世封侯臣舉山南歸國唯蒙屯監帝悅拜諫議大夫從獵澤陽大獲帝謂左右曰今日敗樂乎世長曰不滿十旬未爲樂也帝色變既而笑曰狂獷發耶對曰爲臣計則在爲陛下計忠矣時帝將遂獵武功世長諫曰武功新經突厥寇暴陛下未之救

卿又獵其地百姓何以堪不聽侍宴披香殿酒酣進曰此殿場帝作耶帝曰卿言似忠實詐豈不知此殿我所營對曰臣實不知但見傾宮鹿臺非受命帝王節用愛人者所爲且陛下武功舊宅纔此風雨時以爲足今承隋之後正宜刈奢注復素朴今乃即其宮加雕飾欲易其亂得乎帝深然之後歷陝州長史天策府軍諮祭酒文學館學士貞觀初使突厥與頡利爭禮不受賂遺朝廷稱之出爲巴州刺史舟敗溺死世長有機辯淹於學嗜酒簡率無威儀初在陝邑里犯法不能禁乃引咎自捷於都街伍伯嫉其詭譎之見血世長不勝痛呼而走人笑其不情子良嗣

良嗣高宗時爲周王府司馬王年少舉事不法良嗣數匡諫且繩府屬之不職者帝異之遷荊州長史宦者探竹江南將時上苑所過橫暴至荊良嗣因之上書言狀帝下詔慰獎取竹棄之徙雍州長史時關內大饑人相食良嗣爲政嚴盜發三日必獲人不取犯武后臨朝遷工部尚書拜納言封溫國公留守西京賞遇尤渥尙方監裴匪躬請置苑中蔬果收其利良嗣曰公儀休一魯相猶能拔葵去織豈有天子而賣蔬與與人爭利遂止入爲文昌左相同鳳閣鸞臺三品遇懷懷義於朝懷義偃蹇良嗣叱左右批其頰曳去武后聞之戒曰阿師第於北門出入南衙宰相往來勿犯也載初元年罷左相加特進仍知政事與韋方質素不協方質坐事當誅辭引良嗣后嬖其非良嗣憐謝不能與與還第卒贈開府儀同三司益州都督良嗣在荊州時州有河東寺本後梁蕭督爲兄河東王譽建也良嗣曰江漢間與河東何與秦易之人恨其少學云子陵言官太常丞爲酈吏所

搆貶死嶺南追削良嗣官爵籍其家神龍初復贈司空以諫言子務元襲溫國公終邠王府長史

弁字元容世長五世從孫第進士授奉天主簿德宗出符縣令在府官屬惶懼欲遁弁曰昔肅宗幸靈武新平安定二郡守坐遷匿斬君知之乎眾乃定車駕至儲侍畢給帝葬之朱泚平累遷倉部郎中判度支案裴延齡死以度支郎中副知度支事度支有副自弁始弁通學術吏事精明承延齡後平賦緩役略去煩苛人賴賴之久之遷戶部侍郎仍判度支改太子詹事舊制詹事班在太常宗正卿下實參軍之徒置河南太原尹下弁造朝輒就舊位被劾詔原之坐前以廩粟給邊貶汀州司戶參軍兄奏時爲贊善大夫冕京兆士曹參軍皆坐貶褒以年老失明聽還還置舊集本朝事善會要四十卷既貶有薦其才者亦追還然竟不用弁後起滁州刺史卒弁聚書至二萬卷手自校定當時稱與祿府將判度支時方旱州縣有貞元八年前通米三百八十萬斛人亡歟在奏請出以貸貧民至秋而償詔可當時罪其欺罔云案舊書弁與兄冕並仕在備舉傳今從新書附世長傳後

韋雲起京兆萬年人隋開皇中以明經補符璽直長贊奏事文帝前令言外事不便者時柳述侍側雲起即奏述性豪侈未更事特以主婿故握兵要議者謂陛下官不擇賢亦不便之大者帝顧述曰雲起之言汝藥石也可師之仁壽初詔百官舉所知述薦雲起授通事舍人大業初改調者契丹寇營州詔雲起議突厥兵討之啟民可汗發騎二萬授節度雲起分爲二十營營相去一里四道並進下令聞鼓行間角止非公使毋走馬已而斡斤一人犯法斡斤舊書斬以徇於是酋長皆膝行而

進莫敢仰視契丹本事突厥不虞有他雲起既入其境使突厥詐云謂柳城與高麗交易令營中敢言有隋使者斬去賊營百里偽引而南夜還陳暹明掩擊之獲男女四萬以女子及畜產之半賜突厥餘將入朝而盡殺其男子煬帝大喜擇治書侍御史因効奏虞世基裴蘊怙寵放命四方有變不以聞聞不以實朝議以賊少發兵不多致敗北請付有司論罪鄭善果奏雲起營大君設朝政妄作威權左遷大理司直帝幸江都諸告歸高祖入關上謁長樂宮授司農卿封陽城縣公武德初進上開府儀同三司判農圃監時議將討王世充雲起上言京邑初平物情未附頻年饑饉盜尚多梁師都北連突厥尤為腹心之患若捨此東討恐姦人乘虛為禍不若嚴兵務農先安關中從之尋命總司馬以北九州兵禦突厥果遷遂州都督轉益州行臺兵部尚書僕射竇軌數奏生療反冀得集兵以威眾雲起每執不從而竇軌亦直言雲起交通生療規利由是有隙雲起弟雲起有變先設備而後告之雲起不信曰詔安在軌曰公建成黨今不奉詔同反明矣遂殺之初雲起師博士王頌即隋書文學嘗言韋生識悟富貴可自致然疾惡太甚恐不得其死訖如言子師實官太子少詹事封扶陽郡公師實子方質武后初為鳳閣侍郎同鳳閣鸞臺平章事遷地官尚書嘗有疾武承嗣兄弟往候方質據牀自若或曰偶見權貴且速禍方質曰吉凶命也丈夫豈能折節近戚以苟免哉俄為酷吏所搆流徙州卒按新唐書本紀方質其家神龍初復官孫伏伽貝州武城人仕隋為萬年縣法曹武德初上言

三事其一謂隋之所以失天下者以不聞其過也窮奢極欲使天下肝腦塗地戶口減耗盜賊日滋而朝臣不敢言向使聞不諱之路選賢授能賞罰得中人人樂業誰能搖動者乎陛下勿以唐得天下之易遂忘隋失天下之不難今聞陛下即位之明日有獻鶴者受而不卻盧牟子獻琵琶張安道獻弓箭並蒙賞勞陛下所少者豈此物哉其二謂百戲散樂並非正聲隋末始見崇用近太常假民間製禱五百將以衣妓工待五月五日玄武門游戲臣以為非詔子孫之謀論語云放鄭聲今散妓是也臣愚請並廢之其三謂性相近習相遠今太子諸王左右不可不擇夫不義無賴及馳騁射獵歌舞聲色慢游之人望以拾遺補闕必不能也泛觀前代子孫不孝兄弟離間莫不由左右亂之願選賢才登僚友之選帝自即位未有諫者至是得伏伽大悅超擢治書侍御史賜帛三百匹仍下詔獎其誠懇以風屬羣臣時軍興賦斂重伏伽數請蠲損帝謂裴寂曰隋為無道主驕臣諂上不聞過下不盡忠以至於亡我今不然平亂任武守成任文比每虛心接待冀聞諫言然唯李綱能盡忠款孫伏伽可謂誠直餘則仍踵敝風豈朕所望哉王世充實建德平大赦天下既又欲從其支黨伏伽諫曰臣聞王言無戲故書曰爾無不信朕不食言陛下制詔曰常赦不免皆原之是非直赦有罪乃亦與天下更新許也何以世充建德部下赦後又欲遷之書曰驕厥渠魁脅從罔治今世充尚免其下何幸往者天下未平自須應機制變今四方已定設法當與天下共守之若自為不信欲人之信豈可得哉臣謂賊黨於赦合免者宜一切加原又請置諫官帝皆納之太宗即位封樂安

縣男遷大理少卿帝數出馬射伏伽諫曰臣聞天子之居禁衛九重動則出警入蹕此非徒示尊嚴為社稷生人計也比聞陛下走馬射帖殆非所以導養聖躬垂憲後代帝悅曰卿能言朕非朕能改之後坐奏因誤失免官尋起為刑部郎中累大理卿司農市木權倍直與民右丞章懷勳吏隱沒下大理訊伏伽曰據官市貴故民直賤臣見司農議大體不見其罪帝悟顧諒曰卿不逮伏伽遠矣久之出為陳州刺史致仕顯慶三年卒張玄素蒲州虞鄉人仕隋為景城縣戶曹實建德陷景城將殺之縣人千餘號泣請代曰此清吏殺之是無天也建德命釋縛署治書侍御史不拜聞江都之變始為建德黃門侍郎建德平授景州錄事參軍太宗即位召問政對曰自古未有如隋亂者豈非君自專法日亂乎夫人主身決庶務終十中其五信善矣其如五之不中者何一日萬幾積其失不亡何為若上覽石能使百司各善其職則高居深拱誰敢犯之隋末盜起爭天下者不十數人餘皆保城邑以歸命有道是背上怙亂者鮮特人主不能安之而挺之亂耳陛下近憂危亡日慎一日雖堯舜何以加帝曰善拜侍御史遷給事中貞觀四年詔發卒修洛陽宮乾陽殿以備巡幸玄素上疏陳五不可謂東都未有幸期前事土木諸王出藩又當營構科調煩煩一也向平東都層巒廣殿皆撤毀之今復興築頓乖初意二也國無兼年之儲又與不急之務時向東都故云不急之務新書云陛下每言巡幸勞役過度者不急之務徒勞費貽失其意今從舊書勢役過度恐難將起三也百姓承亂離之後財力凋盡三五年間恐未平復而又重耗其力四也漢高祖將都洛陽樊噲一言即日西駕以洛陽形勝不及關內也陛下化凋弊

之俗爲日尙淺詎可東巡以搖人心五也又言隋家營殿伐木豫章二千人挽一材以鐵爲轂不數里輒壞別數百人齎數隨之終日行不三十里計一材費數十萬工揆其餘可知已昔阿房成秦人散章華就楚眾難乾陽畢功隋人解體今民力未及隋日而役殘創之人變亡國之軌臣恐陛下之過甚於煬帝矣帝曰卿謂我不如煬帝何如桀紂對曰若此役不息亦同歸於亂耳帝顧房玄齡曰洛陽朝貢道均朕營之將以便四方百姓今玄素言如此後雖當往露坐亦無傷也卽詔罷役賜玄素綵二百匹魏徵聞之歎曰張公論事遂有回天之

馬揭擊之幾死又嘗問宮中擊鼓叩關正言太子出鼓對玄素破之既而敗德日聞玄素又上書諫舉周宣帝爲太子時失德終致覆國及隋太子勇驕侈被譏見廢事爲近事之鑒且言主上以父子之親詔殿下資用不爲節限詔在貞觀十六年乃詔未六旬而用踰七萬騎者無藝孰有過此龍樓望苑爲工匠之肆所施與者非游手雜色則圖畫雕鏤之人既關問安視膳之宜又無愛學好道之實在外已有此失隱密之中尙可勝計哉書入太子怒遣刺客伺之俄太子廢玄素坐除名十八年起潮州刺史徙鄧州高宗時致仕卒始玄素與孫伏伽在隋皆爲令史帝嘗問玄素歷官所由玄素深自愧恥稽遜良諫曰臣聞聖主不戲言於臣陛下以玄素任三品佐儲闈豈宜復對羣臣窮其門戶使置身無地乎帝曰朕亦悔之伏伽雖廣坐陳說往事無所隱焉

欽定續通志卷二百十一

列傳

唐十二

韋挺

待價 武楊弘禮 弘武

劉德威 審禮

趙弘智

權萬紀 懷恩

閻立德 立本 知

蔣儼

章機

姜師度 強備

張知譽

韋挺京兆萬年人父冲仕隋爲民部尙書挺少與隱太子善高祖入長安署隴西公府祭酒累遷太子左衛驍騎檢校左衛率太子過之厚官臣無與比武德七年帝避暑仁智宮或言太子與宮臣謀逆又楊文幹反亂連東宮帝責宮臣由是挺與杜淹王珪等皆流瀋州未幾召拜主爵郎中貞觀初王珪數薦之累遷黃門侍郎拜御史大夫扶陽縣男太宗謂曰卿之任大夫獨朕意左右無爲卿地者挺曰臣驚下不足辱高位且非勳舊願後臣以勳立功者不聽是時承隋大亂風俗薄惡人不

遼二千里無州縣吾軍靡所仰食卿爲朕圖之苟吾軍用不乏是公之功其自擇文武官四品十人爲子使取幽易平三州銳士若馬各三百以從即詔河北列州皆取挺節度許以便宜帝親解貂裘及中殿馬賜之挺遣燕州司馬王安德行渠作漕艦轉糧自桑乾水抵盧思臺行八百里渠塞不可通挺以方苦寒未可進遂下米臺側磨之待凍泮乃運以爲解即上言度王師至食且足帝不悅曰兵密拙速無工運我明年師出挺乃度它歲運何哉即詔韋懷質馳按懷質還劾挺在幽州日置酒弗憂職不前視渠即造船行粟及至盧思臺乃悟非是欲進則不得還且水涸六師所須恐不如陛下之素帝怒遣李道裕代之傳唐臨馳傳挺赴洛陽廢爲民以白衣從軍帝破蓋率城詔挺將兵鎮守示復用城與賊新城接日夜轉聞無休時挺以失職內不平作書謝所善衛士公孫常會常以他事繫獄死索囊中得挺書意怨望貶象州刺史歲餘卒年五十八子待價萬石待價初爲左千牛備身永徽中江夏王道宗得罪待價以婿貶盧龍府果毅時將軍辛文陵招慰高麗次吒護真水爲虜所襲待價與薛仁貴率所部兵救之文陵亦苦戰遂免待價重創矢著左足隱不言卒以疾免起爲蘭州刺史吐蕃盜邊爲涼州大都督府司馬俄遷肅州刺史以功召拜右武衛將軍儀鳳三年吐蕃復入寇以待價檢校涼州都督兼知鎮守兵馬事召還封扶陽侯武后臨朝攝司空護營乾陵改天官尙書同鳳閣鸞臺三品待價起武力典選無銓總才朝野共嗤薄之俄爲燕然道行軍大總管禦突厥踰年還拜文昌右相仍同三品累表辭不聽且謂盡力行陣許之於是拜安息道

行軍大總管督三十六總管以討吐蕃進爵爲公軍至寅識迦河與吐蕃合戰勝負略相當會其副閻溫古逗留又天大寒待價不善撫御師人多死餉乏乃旋師頓高昌后大怒斬溫古流待價縑州卒曾孫武武年十一廕補右千牛累遷長安丞德宗幸梁州委妻子奔行在除殿中侍御史元瑒爲水陸轉運使表武以倉部員外郎充判官謀不用杜門數月而瑒敗轉刑部員外郎是時帝以反正告郊廟大兵後典章不完執事者時時咨武武酌宜約用得禮之表羣司奉焉後爲絳州刺史鑿汾水灌田萬三千餘頃璽書勞勉憲宗時入爲京兆尹護治豐陵未成卒贈吏部尙書萬石善音律上元中遷累太常少卿當時郊廟無會樂曲皆萬石與太史令姚元辯增損之號任職始萬石奏太樂博士弟子遺棄者請卒哭追集侍御史劉思立劾奏萬石官太常首紊風化請付吏論罪高宗方委任萬石罷其奏後知吏部選事卒於官楊弘禮字履莊隋尙書令素弟之子與玄感不協嘗表其必亂玄感誅父岳繫長安獄煬帝使赦之比至岳已死高祖即位詔弘禮襲清河郡公除太子通事舍人貞觀中累遷中書舍人太宗征高麗拜兵部侍郎駐蹕之役領步騎二十四軍跳出賊背所向摧靡帝自山下望其軍袍仗精整人人盡力壯之詔許敬宗曰越公兒郎故有家風時宰相悉留定州輔皇太子唯褚遂良敬宗弘禮掌行在機務還拜中書侍郎遷司農卿爲崑丘道副大總管破處密殺焉書王降駭支部獲龜茲于闐王凱旋會帝崩大臣疾之下遷涇州刺史永徽初迫論其功遷勝州都督改太府卿卒贈蘭州都督諡曰質弟弘

武

弘武少修謹承繼中累爲吏部郎中太子中舍人高宗東封泰山自荊州司馬擢司戎少常伯從帝還遷西臺侍郎帝嘗謂曰爾在我司授官多非其才何邪弘武曰臣妻剛悍此其所屬不敢違以諷帝用后言也帝笑不罪乾封二年同東西臺三品弘武無他才特謙慎自守然居職以清簡稱卒贈汴州刺史諡曰恭三子元亨元祿元祿元祿爲尚舍奉御善醫武后所信愛嘗許張易之易之奏素在隋有逆節子孫不可供奉后乃詔素及兄弟子孫不得任京官及侍衛貶元亨睦州刺史元祿資州刺史元祿楊州司馬易之誅復任京官並至刺史藥字續卿弘武族父大業時第進上爲朔方郡司法書佐坐玄感近屬廢居蒲城高祖度河上謁長春宮遷累侍御史數上書言事稱旨除考功郎中貞觀初爲長安令賜爵長安縣男有告女子袁妖逆者續按之情不得袁敗太宗惡其不忠將殺之溫彥博救得免後爲吏部侍郎抑文雅進黜吏度時舞數以自進終戶部尚書贈幽州都督諡曰恭纂從子防武后時爲蕭機宇文化及子訴治先防方食未卽判還日蕭機而未食庸知天下有冤而求食乎防怒取機署曰父紙情主子訴誅資可乎人服其敏終工部尚書

大理少卿從平洛陽有功轉刑部侍郎加散騎常侍妻以平壽縣主貞觀初歷大理卿補州刺史政號廉平百姓立石頌德尋檢校益州大都督府長史入爲大理卿太宗問曰比刑網密密告安在德威曰在君不在臣下之寬猛視主之好律失人者減三失出者減五今坐入者無辜坐出者有罪所以吏務深文爲自營計非有教使然也帝然其言後遷刑部尚書檢校雍州別駕詔至齊州按齊王祐獄還半道同祐反入據濟州詔德威就發河南兵經略之會母喪免既除爲同州刺史永徽三年卒官年七十一贈禮部尚書幽州都督諡曰襄陪葬獻陵德威於關門友睦爲人寬平生所得奉祿以分宗親無留藏

史任城縣男永昌中爲酷吏周興誣搆坐死將刑百姓奔走爭解衣投地曰爲長史祈福有司平直乃十餘萬天下冤之子昇年十餘歲流嶺表六道使誅流人昇以信愛爲首領所庇免後易姓溫北歸洛陽雲中特授右武衛騎曹參軍開元中累遷中書舍人太子右庶子昇能文善草隸

審禮從弟延嗣爲潤州司馬徐敬業攻潤州延嗣與刺史固守城陷敬業遂以降延嗣曰吾世家溫今城不守所負多矣詎能苟生爲宗族羞敬業怒將斬之其黨魏思溫救止敬業江都獄敬業敗錄忠當敘以表近親裁遷梓州長史轉汾州刺史宗族至刺史者二十餘人

趙弘智河南新安人元魏車騎大將軍肅之孫以李閔仕隋爲司隸從事武德初大理卿郎楚之白爲詹事府主簿太宗時預論議累遷黃門侍郎兼弘文館學士移病出爲萊州刺史稍遷太子右庶子父事兄弘安律祿歸之不敢私弘安卒哀憫過期奉殯甚撫兄子慈均所生會太子廢免官俄拜光州刺史永徽初入爲陳王師講孝經百福殿諸儒詰難隨問酬悉舌無留語高宗喜曰試爲我陳經之要對曰天子有爭臣七人雖無道不失天下順以此獻帝悅賜絹二百名馬一匹年遷國子祭酒仍爲學士卒年八十二諡曰宣弘安亦終國子祭酒曾孫矜舉明經調舞陽主簿吳少誠反以縣歸歷襄陽丞客死柳州官爲斂葬後十七年子來章始壯自襄陽往求其喪不得野哭再闕旬卜人秦謂爲筮曰金食其壘而火以貢其墓直丑在道之右南有貴神家土是守宜遇西人深目而髯乃得其真明日有老人過其所問之得矜墓直社北遂歸葬弘安墓次時人哀來章

李晉爲出涕云

權萬紀其先出天水後徙京兆萬年父塚珩隋匡州刺史萬紀性悻直自潮州刺史擢治書侍御史房玄齡王珪掌內外官考萬紀奏其不平帝命推之魏徵曰玄齡等皆大臣所考有私萬紀在朝堂無駁正今始彈奏非誠心爲國也帝乃止然以萬紀不阿貴近頗獎禮之又建言字文智及隋逆臣其子不宜任千牛帝從之何內人李好德以心疾爲妖言張龜古案其獄言不當坐萬紀劾其阿縱龜古坐斬事詳龜古傳時萬紀與侍御史李仁發皆以敢言進大臣數譏龜古徵曰小人以訐爲直以讒爲忠陛下欲以善策舉臣而彼挾恩依勢所彈射皆不實深恐上損聖明帝悟從萬紀散騎常侍而免仁發數年召復故官奏言宣饒部中每歲鑿山治銀可得數百萬帝曰朕所乏者嘉謀賢士今卿以利規我欲方我漢桓靈耶斥使還家久之由御史中丞遷尚書左丞出爲西韓州刺史徙吳王長史王長其直善待之會齊王祐不幸法帝以萬紀能左右吳王因徙爲祐長史祐比呢華小萬紀曉諫不入遂以聞帝遣劉德威案問因微祐及萬紀入京祐恐會萬紀先發即遣所親燕宏亮追殺之支解投國中事詳并殺典軍章文振文振亦書諫祐不聽以告萬紀故并殺之祐誅賄萬紀齊州都督武都郡公益曰敢作敢爲文振亦賄左武衛將軍襄陽縣公萬紀子玄初舊書作高宗時兵部侍郎懷恩萬紀族孫祖弘壽爲隋臨汾司倉書佐高祖入長安擢太僕卿封盧國公卒諡曰恭懷恩襲爵累遷尙乘奉御御人安畢羅爲高宗所寵見帝戲慢不甚懷恩奏事見之退杖之四十帝嗟賞曰良吏也擢萬年令賞罰

明見惡權取時人語曰蜜飲三斗塵無幾權傾恩歷歷

萊衛邢宋五州刺史洛州長史所居威名赫然吏重足立委狀沈毅每盛服妻子不敢仰視嘗過汴州時刺史楊德幹亦以嚴稱汴橋新成立木中途以止過車懷恩適見之謂德幹曰民不可止耶爲用此德幹慚服還益州大都督府長史卒從子楚璧爲左領軍衛兵曹參軍玄宗在東都楚璧與李齊等擁兵夜入宮城作亂伏誅籍其家按新書爲萬紀立傳附載懷恩舊書以懷恩入國史傳而萬紀附今從新書關立德名讓以字行京兆萬年人父毗隋殿內少監本以工藝進故立德與弟立本並機巧習藝事武德初爲秦王府士曹參軍從平東都遷尙衣奉御製裘冕等皆有典法貞觀初擢將作少匠封大安縣男謫治嚴陵遷大匠文德皇后崩營昭陵坐弛職免起爲博州刺史太宗幸洛陽詔立德擇爽塏地建離宮構署乃起襄城宮於汝州西山費百餘萬既成煥爛不可居坐免未幾復爲大匠就洪州造浮海大航遂從征高麗軍獨至遼澤泥淖亘二百里不可通立德布土作橋軍無留行按新書上作橋事載在還軍時但車駕已過則此路便當通使令將軍備安得復有二百里泥淖未除舊書載在初至遼澤時從之帝悅厚賜之又規築土山以攻安市城不克轉作破安從還營翠微玉華二宮進工部尙書帝崩復典陵事進爵縣公永徽五年帝幸萬年宮立德留守因領徒四萬治京城卒贈吏部尙書并州都督陪葬昭陵諡曰康立本顯慶中以將作大匠代立德爲工部尙書總章元年以司平太常伯拜右相對博陵縣男初爲王爵郎中時太宗泛舟西苑見異鳥容與波上命侍臣賦詩而召立本圖狀傳呼者目爲畫師既至俯伏池左研吮丹粉

望生者甚慈其子勿習然性所好竟不能驅也既輔政但以俗材應務無所稱述時美格以軍功爲左相人因有左相宣威沙漠右相馳譽丹青之嘲咸亨中官名復舊改中書令卒諡曰文貞

知微立德孫聖曆中爲豹韜衛將軍默啜請婚武后遣知微持金帛送武廷秀往獻順延秀非天子兒囚之挾知微入寇以爲南面可汗破趙定等州及中宗自房陵還東宮始棄趙州去因縱知微還后命秦之天津橋南夷其三族新書言默啜不知入寇則延以知微實賜百官甘心焉與舊書所載默啜然通書所載知微事尤詳綱目亦多採之大意皆與舊書合通鑑出於實錄其言較爲可子則先以武三思增免死用之立德曾孫初爲彭州參軍攝錄事一日糾不法及征謬數十事太守知其才舉通事舍人果遷右衛郎將知引薦仗金吾將軍李質升殿不解刀呵却之請按法行罰左右震悚初有司以三衛執事登殿用之奏三衛皆趨悍不宜還御座請以宦者代之遂爲故事終左金吾將軍

蔣儼常州義興人舉明經爲右屯衛兵曹參軍太宗將征高麗募爲使者莫應儼奮請行既至莫離支以兵脅之不屈囚土窟中高麗平乃得歸授朝散大夫遷幽州司馬巡察使劉祥道奏最狀儼會州刺史入爲殿中少監數陳時政利病高宗納之遷蒲州刺史州戶眾獄繁刺史多以罪去儼至發隱禁羣盜爲良吏永隆二年以老致仕尋召爲太僕卿以父諱辭改太子右衛副率中宗在東宮有過儼諫不見用時田游巖起處士爲洗馬太子所尊禮儼貽書責其不言游巖愧不能否還右衛大將軍封義興縣子以太子詹事致仕卒年七十八

中宗立以舊恩贈禮部尚書

章機新舊作京兆萬年人父格洛州司馬機貞觀時爲

左千牛胃參軍使西突厥冊同俄設爲可汗會石國叛道梗二年不得歸因錄所過風俗物產爲西域記還

朝上之帝大悅累遷殿中監顯慶中爲檀州刺史邊人不知重儒乃修學宮畫孔子七十二子及漢晉諸儒像

自爲贊敦勸生徒俗以大化契苾何力討高麗值灤水漲留軍三日機輸糧無闕擢司農少卿主東都營田受

詔完官苑宦者犯法杖之後奏帝善之賜絹五十匹日後有犯者治勿奏也進司農卿時東都宮室日圯帝

欲更作之而惜其費機曰臣任司農省常費積二十萬緡足以集事帝大悅詔兼將作少府二職督營宿羽高

山上陽等官上陽制度尤壯麗帝幸東都徙居之僕射劉仁軌以爲非侍御史狄仁傑勸機導上書奏會機家

人犯盜竟坐免官按機之免通鑑言仁傑劾奏本初方傳言坐家人犯盜今兼取之

士朱欽遂爲武后所寵姦賊狼籍機以白帝帝遣中使慰諭遂請欽遂於邊后街之永道中帝召機以布衣檢

校圖苑將復用之后倚之而止終檢校司農少卿孫岳武后時爲汝州司馬以辨治稱召授尚舍奉御出爲太

原尹以不習武辭件旨下遷宋州長史歷唐海等州刺史並著風跡睿宗立召爲殿中少監寶懷貞等誅坐貶

渠州別駕起陳州刺史卒子景駿別有傳舊書稱景駿子岳岳子景駿新舊作機孫岳子景駿機孫岳子景駿

傳不載未知是否今附於此

姜師度魏州魏人舉明經歷丹陵尉龍岡令有清白稱

神龍初試易州刺史兼河北道巡察度支營田使始治

溝於衛門以限奚契丹又循漢末故迹並海鑿渠以通

簡路罷海運還司農卿出爲陝州刺史太原倉爲水陸

運所奏師度使依高爲庸注米於舟以達諸河人得不

勞拜太子詹事玄宗移營州治柳城拜營田度支修築

使進河中尹安邑鹽池涸發卒濬之置鹽屯收利不貲

徙同州刺史引洛水以灌朝邑河西二縣遇河以灌通

靈陂收棄地二千頃爲上腴置十餘屯帝嘉其功加金

紫光祿大夫賜帛三百匹進將作大匠左拾遺劉彤請

權鹽鐵代貧民賦詔強循與師度會天下按察使議其

法後不行卒年七十餘師度好興作所至縣役紛紜不

能皆便然所就必爲後世利時太史令傅孝忠以知星

名人爲語曰孝忠知仰天師度知相地嘲所嗜也

張循字季先鳳州人歷雍州司士參軍華原無井人畜

多噉死循始教人治渠灌田人號張公渠歷大理少卿

太子右庶子爲政不事威嚴遇人盡信不疑然嘗時恨其少文云

張知壽字匪躬幽州方城人舊書作滿州河東人徙家岐兄弟五

人知玄知晦知泰知默皆明經高第曉吏治調露後知

驚擾議者薄之知默與來俊臣周興等掌詔獄數陷大

臣其後以酷吏子孫禁錮爲張氏羞知玄子景昇知泰

子景佚開元中並至顯官舊書稱景佚子景昇知泰子景佚開元中並至顯官

改附於此蓋以與舊吏之實不甚應也今從之

欽定續通志卷一百二十一

主而殺其愛子傳國晉王乎陛下昔以承乾爲嗣復寵愛泰嫡庶不明紛紛至今若必立泰非別置晉王不可帝泣曰我不能即詔長孫无忌房玄齡李勣與遂良等定策立晉王爲皇太子時飛雉數集宮中帝問此何祥也遂良曰昔秦文公時有僂子化爲雉鳴陳倉雉鳴南陽僂子曰得雉者王得雉者霸文公遂雄諸侯始爲寶難祠漢光武得其雄起南陽有四海陛下本封秦故雄雉並見以告明德帝悅曰人之立身不可以無學遂良所謂多識君子哉俄授太子賓客群延諸帝已納其聘復絕之遂良以爲虧信夷狄且生嫌隙不納帝欲自征高麗遂良固勸無行一不勝師必再興爲忿兵兵忿者勝負不可必帝然之會李勣詆其計帝意遂決遂良懼上言諸賢請身兩京腹心也四境手足也殊裔絕域殆非支體所屬高麗王陛下所立莫離支殺之討其逆夷其地固不可失但遣一二勇將付銳兵十萬唾手可取臣聞涉遼而左或水遼平地深三尺海壞荒漫決非萬乘所宜行是時帝銳意薄平不見省進黃門侍郎參綜朝政莫離支遣使貢金遂良曰古者討弑君之罪不受其賂魯納郈鼎太廟春秋譏之今莫離支所貢不臣之體不容受詔可以其使屬吏帝既平高昌歲調兵千人往屯遼良諫不可帝志取西域置其言不用西突厥寇西州帝曰往魏徵稽遂良勸我立魏文泰子弟不用其計乃今悔之帝於廢官側則置院居太子遂良諫以爲朋友深交者易怨父子溺愛者多愆宜許太子開還東宮近師傳專學藝以廣懿德帝從其言父喪免起復拜中書令帝廢疾召遂良長孫无忌曰漢武帝託霍光劉寵託諸葛亮朕今委卿矣謂太子曰无忌遂

貞在而無憂因命遂良草詔高宗即位封河南縣公進郡公坐事出爲同州刺史再歲召拜吏部尚書同中書門下三品監修國史兼太子賓客進拜尚書右僕射帝將立武昭儀召長孫无忌李勣于志宣及遂良入或謂无忌當先諫遂良曰太尉國元舅有不如意使上有棄親之譏又謂勣上所重當進曰不可司空國元勣有不如意上有斥功臣之嫌吾奉遺詔若不盡愚無以下見先帝既入帝曰罪莫大於絕嗣皇后無子今欲立昭儀謂何遂良曰皇后本名家奉祀先帝先帝疾執陛下手語臣曰我兒與婦今付卿且德音在陛下耳可遽忘之皇后無他過不可廢帝不悅期日復言對曰陛下必欲改立后者請更擇貴姓昭儀昔事先帝身兼帷第今立之奈天下耳目何帝羞歎遂良因致笏殿階叩頭流血曰還陛下此笏勾歸田里帝大怒命引出武氏從後呼曰何不撲殺此獠无忌曰遂良受顧命有罪不加刑會李勣議與武氏立乃左遷遂良潭州都督吳興縣人紀永徽六年九月庚午貶遂良爲潭州都督十月乙卯立宸妃武氏爲皇后宰相表載遂良貶官月日亦同然則傳所顯慶二年徙桂州未幾貶愛州刺史遂良內憂禍恐死不能自明乃上表曰往者承乾廢孝文本到洎奏東宮不可少曠宜遣漢王居之臣引義固爭明日伏入先帝留无忌玄齡勣及臣定策立陛下當受遺詔獨臣與无忌二人在陛下方草上號勣臣即奏請即位大行柩前當時陛下手抱臣頸臣及无忌請即還京發哀大告內外宣諭臣力小任重動貽伊戚蟻蟻餘乞陛下哀憐帝皆憐率於武后訖不省歲餘卒年六十三後二歲許敬宗李義府奏長孫无忌逆謀皆遂良驛扇乃削官爵二子彥甫彥冲流愛州殺之帝遺詔聽其家

北邊神龍中復官得德宗追贈太尉文宗時詔以遂良五世孫虔爲臨汝尉安南觀察使高駢表遂良客愛州二男一孫耐威通九年詔訪其後護喪歸葬陽翟云遂良曾孫瑒字伯玉擢進士第累拜監察御史襄行先天中突厥開北廷詔瑒持節監繕營諸將破之遷侍御史拜禮部員外郎卒

韓琬字伯玉京兆三原人父仲良武德初與定律令建言古法繁素請崇簡簡以示惟新于是宋開皇律宜于時者定之終刑部尚書秦州都督府長史顯川縣公瑒少負節行博學曉吏事貞觀中以兵部侍郎襲爵永徽三年遷黃門侍郎俄同中書門下三品監修國史加銀青光祿大夫進侍中兼太子賓客王皇后之廢瑒雪泣言曰皇后乃陛下在舊時先帝所娶今無罪輒廢非社稷計不納明日復諫曰王者立后配天地象日月匹夫匹婦尚知相擇況天子乎詩云赫赫宗周褒姒滅之臣讀至此嘗輟卷太息不圖本朝親見此禍帝大怒詔引出瑒遂良貶潭州都督明年瑒上言遂良受先帝顧託一德無二況被遷已開寒暑其責塞矣願寬無辜以順眾心帝曰遂良之情朕知之矣其悖戾好犯上朕責之詎有過邪瑒對曰遂良社稷臣臣恐蒼蠅點白損陷忠貞非國家之福帝愈不聽瑒憂憤自表歸田里不報顯慶二年許敬宗李義府奏瑒以桂州授遂良桂用武地倚之謀不軌于是更徙遂良愛州貶瑒振州刺史臨年卒年五十四長孫无忌死義府等復奏瑒與通謀遣使即殺之既至瑒已死發棺驗視乃遺詔削官爵籍其家子孫請廣州官奴神龍初武后遺詔復官爵自瑒與遂良相繼死內外以言爲諱將二十年帝造奉天宮御史

李善感始上疏極言時人喜之謂爲鳳鳴朝陽

來濟揚州江都人父護兄隋左翊衛大將軍宇文化及

難闔門死之濟幼得免轉側流離而篤志爲文章善議

論曉暢時務擢進士貞觀中累遷通事舍人太子承乾

敗太宗問侍臣何以處之莫敢對濟曰陛下上不失爲

慈父太子得盡天年則善帝納之除考功員外郎十八

年初置太子司議郎高其選而以濟爲之兼崇賢館直

學士遷中書舍人永徽二年拜中書侍郎兼弘文館學

士監修國史俄同中書門下三品加銀青光祿大夫封

南陽縣男遷中書令檢校吏部尚書武氏有寵特號宸

妃濟與韓瑗諫妃有常員今別立號不可及將立爲后

又上疏引周漢故事開陳禍福武氏已立不自安后更

謾言濟等忠鯁恐前經執奏輒懷反仄請加賞慰而實

銜之帝示濟及瑗濟等益懼顯慶初兼太子賓客進爵

爲侯帝嘗從容問馭下所宜濟曰昔齊桓公出遊見老

人命之食曰請遺天下食遺之衣曰請遺天下衣公曰

吾府庫有限安得而給老人曰春不奪農時卽有食夏

不奪蠶工卽有衣由是言之省徭役馭下之宜也于時

山東役丁歲別數萬人又議取庸以償雇紛然煩擾故

濟對及之二年兼詹事尋坐褚遂良事貶台州刺史久

之徙庭州龍朔二年突厥入寇濟總兵拒之謂其眾曰

吾嘗註刑網蒙赦不死今當以身塞責遂不介冑而馳

賊沒焉年五十三贈楚州刺史給靈輅還家初濟與高

智周郝處俊孫處約客宣城石仲寬家仲寬行於財有

器識待四人甚厚私相與言志處俊曰願宰天下濟及

智周亦然處約曰宰相或不可冀願爲通事舍人足矣

後濟領吏部處約始以瀛州書佐入調濟遽注曰如志

遂以處約爲通事舍人皆至公輔濟異母兄恆上元中

爲黃門侍郎同中書門下三品兄弟俱以學行稱

李義琰魏州昌樂人其先出隴西望姓及進士第補太

原尉李勣爲都督僚吏憚其威義琰獨敢延辨曲直勣

甚禮之徙白水令有能名擢司刑員外郎義琰姿體魁

秀博學有智識累遷中書侍郎上元中進同中書門下

三品兼太子右庶子高宗欲使武后攝國政義琰與郝

處俊固爭事得寢章懷太子之廢盡赦官臣罪庶子薛

元超等皆舞蹈義琰獨引咎涕泣指紳義之帝每顧問

必顛切不回宅無正寢弟義璣市堂材送之義琰曰以

吾爲國相且自愧尙營美宇是速吾禍義璣曰凡仕爲

丞尉且崇第舍兄位高安可偪下哉答曰事難全遂物

不兩與既處貴仕又廣居宇非有令德必受其殃卒不

許後其本久腐乃棄之義琰改葬其先使舅家移塋而

兆其所帝聞怒曰是人不可使秉政義琰懼以疾乞骸

骨遷銀青光祿大夫聽致仕乃歸田里公卿以下悉祖

饒通化門外時人比漢疏廣垂拱初起爲懷州刺史自

以失武后意辭不拜卒子巢幼豪俊善騎射而不治細

行義琰絕其交游後亡走闕下獻書陳利害拜監察御

史與李義府同按柳賈韓瑗獄遷殿中上書忤旨貶龍

編主簿義琰從祖弟義琛

義琛擢進士第歷監察御史貞觀中文成公主貢金遇

盜於岐州主名不立太宗召羣御史至目義琛曰是人

神情爽拔可使推捕義琛往數日獲賊帝喜爲加七階

初義琰使高麗其王據楊召見義琰不拜曰吾天子使

可當小國之君奈何倨見我王詞屈爲加禮及義琛再

使亦坐召之義琛旬間拜伏時人由是見兄弟優劣累

遷刑部侍郎爲雍州長史時關輔大饑詔貧人就食商

鄧義琛恐流徙不還上疏固爭左遷黎州都督降岐州

刺史子綰爲柏人令有仁政縣爲立祠

上官儀字游都陝州陝人父弘爲隋江都宮副監爲陳

後所殺儀功臣免官爲沙門服喪工文詞涉貫墳典貞

觀初擢進士第召授弘文館直學士遷祕書郎太宗每

屬文遣儀視稿宴私未嘗不預轉起居郎高宗卽位爲

祕書少監進西臺侍郎同東西臺三品儀工詩其詞綺

錯婉媚及貴顯人多效之謂之上官體麟德元年梁王

忠壯罪許敬宗構儀與忠通謀下獄死籍其家詳見武

子庭芝歷周王府屬亦被殺庭芝女中宗時爲昭容追

贈儀爲中書令秦州都督楚國公庭芝黃門侍郎岐州

刺史天水郡公以禮改葬

欽定續通志卷二百十四

列傳

唐十四

于志寧 字仲誠京兆高陵人曾祖薩周太師燕國公父宣道隋內史舍人大業末志寧調冠氏縣長山東盜起

杜正倫 字元威 崔知溫 知懷 高智周 承泰

郭正一 齊賢 崔敦禮 盧承慶

劉祥道 齊賢 從 李敬玄 元素 張處約

邢文偉 高子貢

于志寧字仲誠京兆高陵人曾祖薩周太師燕國公父宣道隋內史舍人大業末志寧調冠氏縣長山東盜起衆官歸高祖入關迎謁長春宮授銀青光祿大夫太宗爲渭北道行軍元帥補記室與殷開山等參謀議薛仁果平議褚亮於囚虜中遷天樂府中郎文學館學士引亮與同列貞觀三年爲中書侍郎太宗嘗宴近臣問志寧安在有司奏教召三品志寧品第四按舊書職官志正四品上上大夫帝特詔預宴因加散騎常侍太子左庶子黎陽縣公是時議立七廟羣臣請以涼武昭王爲始祖志寧以涼非王業所因獨建議違之帝詔功臣世襲刺史志寧以古今事殊非久安之道帝皆從之嘗謂志寧曰太子幼卿當輔以正道無使邪僻敗其心太子敏有過惡志寧欲止之上諫苑以諷帝見大悅賜黃金十斤絹三百匹俄兼詹事以母喪免有詔起復本官固請終喪帝遣半文本敦警乃就職時太子以農時造曲室累月不止又好音樂過度志寧諫以爲今東宮乃隋所當當時號爲修麗豈容復事磨礱采飾於其間丁匠官奴皆犯法亡命鉗鑿鉗往來出入監門宿衛直長千牛不得苛問芻爪在外廝役在內其可無憂乎又

宮中數聞樂聲太樂官伎輒留不出往年口敕丁靈殿下可不思之太子不納而左右多任宦官志寧復諫以爲極宦之徒體氣非全託親近爲威權假出納爲禍福杜漸防萌不可不慎太子益不悅東宮僕御舊得番休而太子不聽又私引突厥與相狎比志寧懷不能已上疏極言太子大怒遣張師政乾干承基往刺之二人潛入其第見志寧惓惓然在苦塊中不忍殺乃去太子敗帝知其狀謂曰聞公數諫承乾不聽公故至此是時官臣皆罪廢獨志寧蒙勞免晉王爲皇太子復拜左庶子遷侍中永徽元年加光祿大夫封燕國公監修國史三年洛陽人李宏泰誣告長孫无忌反有詔不待時斬之志寧以爲方春少陽用事不宜行刑且誣謀非本惡逆請依律待秋分乃決從之衛山公主既公除將下嫁長孫氏志寧以爲禮女十五而笄二十而嫁有故二十三年而嫁固知遇喪須終三年春秋魯莊公如齊納幣母喪未再葬而圖婚二家不識以其失禮明也今議者云公除從吉此漢文創制爲天下百姓耳公主身服斬衰服可以例除情不可以例改心喪成婚非人情所忍於是詔公主待服除乃婚拜尚書左僕射同中書門下三品頃之兼太子少師顯慶元年遷太傅嘗與右僕射張行成中書令高季輔俱賜田志寧奏臣家自周魏來世居關中資業不墜今行成季輔始營產土願以臣有餘賜不足者帝嘉之分其田以與二人顯慶四年以老乞骸骨詔解僕射拜太子太師仍同中書門下三品王皇后之廢長孫无忌褚遂良固爭不見從志寧不敢言武后以其不右已衡之後因殺无忌坐免官出爲榮州刺史改華州聽致仕卒年七十八贈幽州都督諡曰定後追

復左光祿大夫太子太師志寧愛賓客樂引後進然多嫌畏不能有所薦達士讓少之前後預撰格式律令禮典五經諸史賞賜不可勝計又嘗與李勣修定本草并圖台五十四篇行於代玄孫休烈按新書作休烈今從舊書及宰相世系表休烈善文章舉會稽寶朝萬齊融延陵包融齊名開元初第進士又擢制科歷秘書省正字吐蕃金城公主請文籍四種玄宗詔秘書寫賜休烈上疏曰昔東平王求史記諸子漢不與之以史記多兵謀諸子雜詭術也東平漢之懿戚尚不示征戰之書今西戎國之寇讐安可贈以經典公主下嫁異國反求良書殆有姦人勸導其中若陛下慮失其情示不得已請去春秋夫春秋當周德既衰諸侯強盛征伐競興情僞於是乎生變詐於是乎起誠與之國之患也疏入詔中書門下議侍中裴光庭曰吐蕃不識禮經孤背國恩今漸以詩書陶以聲教斯可致也休烈但見情僞變詐於是而生不知忠信節義亦於是乎在帝曰善遂與之按通鑑裴光庭與休烈書云臣聞之論真不恤一舉且求書者乃唐之公主非吐蕃也彼吐蕃即欲生變詐亦何藉於觀漢書哉臣記載者不特不達事機亦且昧於文義矣今錄議於此果遷起居郎直集賢殿學士比部郎中楊國忠爲宰相斥不附己舊出爲中都郡太守肅宗立休烈奔行在獲給事中遷太常少卿知禮儀事兼修國史帝嘗謂曰良史者君舉必書朕有過失願卿何如對曰禹湯罪己其興也勃焉有德之君不忘規過于時經大盜後史籍稍闕休烈奏國史開元實錄起居注及餘書三千八百餘篇藏典慶官兵典焚燬殆盡請下御史臺史館所少購府縣有得者許上送官一書進官一資一篇絹十匹凡數月止獲一二篇唯韋述以其家藏國史一百三十篇上獻中興文物未

完休烈獻五代論討著舊章天子嘉之轉工部侍郎仍修國史宰相李穀嫌其與己齊列奏徙休烈爲國子祭酒權留史館修撰以卑下之休烈安然無屑意乾元初始詔百官元旦冬至於光祿門賀皇后休烈奏周禮有命夫朝人君命婦朝女君自願慶以來則天皇后南行此禮而命婦與百官雜處在禮不經帝體之代宗嗣位甄別名品元載稱其清諒拜左散騎常侍兼修國史加禮儀使遷太常卿累遷工部尚書封東海郡公難歷清要不治產性恭儉仁愛無喜愠之容樂賈下士善推轂甚累年老篤意經籍嗜學不厭卒年八十一帝爲歎息贈尚書左僕射諡曰元二子益肅及休烈時相繼爲翰林學士益天寶初及進士第肅終給事中肅吏部侍郎肅子敘

敘字蹈中以高才擢進士爲祕書省校書郎于時楊遷李邕元膺相繼辟幕府元和初拜監察御史五遷至右司郎中進給事中左拾遺肅嚴爲元稹李紳所厚與蔣防俱薦爲翰林學士李逢吉誣紳弄逐之而出嚴爲信州刺史防汀州刺史敘封還詔書擢紳意申嚴枉及駁奏下乃論貶嚴太極單皆嘆謙達吉乃厚放三遷至戶部侍郎出爲宣歙觀察使敘修家世用文學進初爲時所稱及居官無所建明不逐物以自容名益減卒贈禮部尚書四子球珪瑛琰皆清顯琰知名

琰字禮用落魄不事事以門資爲吏久不調馬都尉鄭顥獨器之宣宗詔遷士人尙公主者顥語琰曰子有美才不備細行爲取毀所抑能爲之乎琰許諾中書舍人李潛知貢舉顥以琰託之擢第授左拾遺初尙承福公主主未降食帝前以事折七箸帝知其不可奏士大

夫更詔尙廣德公主咸通中以水部郎中爲翰林學士遷中書舍人閏五月轉兵部侍郎判戶部八年同中書門下平章事進中書侍郎兼戶部侍郎爲韋保衡所搆檢校司空山南東道節度使三貶韶州刺史保衡敗僖宗以太子少傅召未幾復爲山南節度使入拜尙書右僕射黃巢陷京師以病臥家巢欲起爲相琰辭疾賊迫脅不止乃曰吾死在旦夕位宰相義不受汚賊遂害之肅嚴字子肅壽州壽春人第進士舉賢良方正策第一拜拾遺解章峭屢累遷爲郎中知制誥坐累出復入稍遷太常少卿太和五年權京兆尹強幹不阿貴勢然貪利溺聲色卒於官

高馮字季輔以字行德州蓀人居母喪以孝聞兄元道仕隋爲汲令縣人反城應賊殺元道季輔率其黨與縣人戰擒之斬首以祭賊眾畏服更歸附之至數千人俄與武陟李厚德將其眾降授陟州總管府戶曹參軍貞觀初拜監察御史彈治不避權要累轉中書舍人列上五事以爲今天下大定而刑未措何哉良由謀猷之臣不崇簡易之政臺閣之吏昧於經遠之道執憲者以深刻爲奉公當官者以侵下爲益國如尙書八座人上所責成者也宜擇溫厚修潔者任之敦樸素革浮僞使家議慈孝人知廉恥自然禮節興而禍亂息矣竊見陛下躬行節儉而營繕未息正丁正匠不能給驅使又和雇以重勞費人主所欲何求而不得願愛其財毋使殫惜其力毋使斂畿內數州京師之本土狹人庶儲蓄少而科役多宜蒙優貸令得休息強本弱支之義也至江南河北人頗舒閑宜爲差等均量勞逸公侯勳戚之家邑人俸稍足以奉養而貨息出舉爭求什一下民化之競

爲錐刀宜加懲革仕以代耕而今外官卑品皆未得祿夫飢寒切身雖夷惠不能全其行不恤其賈而責其廉正恐巡察歲出輶軒繼軌而侵漁不息也宜及戶口漸繁倉庾日實稍加廉賜使得事父母養妻子然後督責其效則庶官畢力矣密王元曉等俱陛下懿親當正其禮比見帝子拜諸叔諸叔答拜爵封既同當明昭穆順垂訓正以爲彝法書奏帝稱善進授太子右庶子數上書切言得失帝賜鍾乳一劑曰爾進藥石之言朕以藥石相報後爲吏部侍郎善銓敘人物帝賜金背鏡一沉其清鑒焉久之遷中書令檢校吏部尙書監修國史進爵穆縣公永徽初加光祿大夫侍中兼太子少保感疾歸第有詔以其兄絳州刺史季通爲宗正少卿視疾遣中使日候增損卒年五十八贈開府儀同三司荊州都督諡曰憲子正業仕至中書舍人坐善上官權貶喪督行成字德立定州義豐人少師事劉炫炫謂門人曰行成體局方正廊廟才也大業末察李廉爲壽州臺散從員外郎後爲王世充度支尙書世充平以隋資補職熟財家資代計吏集京師擢制舉乙科調富平主簿有能名召補殿中侍御史糾劾嚴正太宗以爲能謂房玄齡曰古今用人未有不因介紹若行成者朕自舉之無先容也常侍宴帝語山東及關中人意有同異行成曰天子四海爲家不容以東西爲限是示人以隘矣帝稱善賜名馬一驥十萬衣一稱自是有大政事令與議焉累遷給事中帝嘗謂羣臣朕爲人主兼行將相事豈不是尋公等名行成退上疏以爲左右文武誠無將相才矣用大庭廣眾與之量較損萬乘之尊與臣下爭功哉帝嘉納之轉刑部侍郎太子少詹事太子駐定州監國

謂曰吾乃送公衣錦過鄉耶令有司祠其先舉行成薦其里人魏唐卿崔寶權馬龍駒張君勛皆以學行聞太子召見以其老不可任以事厚賜遣之太子使行成詣行在帝見悅甚賜勞尤渥還爲河南巡察大使稱旨檢校尚書左丞是歲帝幸靈州詔皇太子從行成諫曰皇太子宜留監國對百寮曰決庶務既爲京師重且示四方盤藉帝以爲忠遷侍中兼刑部尚書高宗即位封北平縣公監修國史時晉州地震不息帝問之對曰天陽也君象地陰也臣象君宜動臣宜靜今靜者願動恐女謁用事大臣陰謀又諸王公主參承起居或伺間陳宜明設防閑且晉陛下本封應不虛發伏願深思以杜未萌帝然之詔五品以上極言得失俄拜尚書左僕射太子少傅承徽四年自三月不雨至五月行成懼以老乞身制答曰古者策免乖罪已之義此在朕寡德非宰相咎行成固請帝泣留之不得已復視事未幾卒於尚書省舍年六十七詔九品以上就第哭比斂三遣使賜內衣服尚宮宿其家護視贈開府儀同三司并州都督諡曰定弘道元年詔配享高宗廟廷按新舊書皆以張易之昌宗附行成傳後

逆鱗嬰者死人君亦有之卿屬逐犯吾鱗補闕失朕其應危亡哉恩卿至意故舉酒以相樂也各賜帛有差太子監國詔正倫行左庶子兼崇賢館學士帝謂正倫吾兒幼未有就德我嘗物物戒之今當監國不得朝夕見故親卿于朝以佐太子兼中書侍郎封南陽縣侯仍兼太子左庶子出入兩宮典機密以辨治稱後太子稍失道帝語正倫太子數私小人卿可審喻之教而不從其語我來故正倫顯譴無所遷太子不從輒違帝語督切太子即表聞帝責曰何漏洩我語對曰開示不入故以陛下語怖之帝怒出爲穀州刺史再貶交州都督太子廢坐受金帶流驪州久之授鄂石二州刺史顯慶元年擢黃門侍郎兼崇賢館學士進同中書門下三品又兼度支尚書仍知政事遷中書令封襄陽縣公初正倫已通貴李義府官尚微及同執政不能下中書侍郎李友益義府族也晚附正倫同批義府覺缺義府使人告正倫友益交通罔上有異計高宗惡之出正倫爲橫州刺史流友益峰州正倫卒於貶所按新書稱正倫聖杜固日乃止其事近怪且謂城南諸杜自此不振尤迂誕不足信殆類世之爲形家言者託此以神其術而史官無識猶披及之正倫工屬文嘗與中書舍人董思恭夜直今削不載

河北按察使坐用法深刻貶睦州司馬崔知溫字禮仁許州鄆陵人仕爲左千牛稍遷靈州司馬境有渾斛薩萬帳數擾齊民農皆釋耒習騎射以干賊知溫表徙河北虜不樂遷將軍契必何力爲言乃止知溫固請疏十上報卒徙河北自是人得就耕渾斛薩至徙地願善水草亦忘遷後入朝過州謝曰初徙且怨公今地膏腴草息更荷公恩皆再拜四遷蘭州刺史黨項羌三萬入寇州兵寡糧糧不知所出知溫開關不設備羌怪之不敢進俄會將軍權善才率兵至大破其眾善才欲窮追取之知溫曰古語戰弗逆奔且谿谷覆深草木荒延萬一有變恐悔善才曰善分降口五百贈知溫辭曰我謹公事國私利耶累遷尚書左丞轉黃門侍郎修國史永隆初以秩卑特詔同門下三品兼修國史遷中書令卒年五十七贈幽州大都督諡曰忠子泰之開元時爲工部尚書諡之爲庸作少匠與諫二張功封博陵縣侯實封二百戶終少府監

杜正倫相州涇水人隋世重舉秀才天下不十人而正倫一門三秀才皆高第爲世欽羨調武騎尉太宗素知名表直秦王府文學館貞觀元年魏徵薦其才擢兵部員外郎俄遷給事中知起居注帝嘗曰朕坐朝不敢多言必待有利於民乃出諸口正倫曰臣職左史陛下一言失非止損百姓且筆之書千載累德帝悅賜采綬二百進累中書侍郎與韋挺虞世南姚思廉論事稱旨帝爲設宴具召四人者謂曰我聞神龍可授以馴然領有

論文思恭歸謂人曰與杜公評文今日覺吾文頓進無子以兄子志靜爲嗣從子求仁孫咸皆顯名求仁有雅才永淳中授監察御史坐事爲縣令與徐敬業舉兵爲興復府長史死於難咸擢進士第累遷右臺監察御史牂牁反咸監軍出討賊保皇自固道荒漫師不能進咸乃息士示不欲戰陰伺之時早暑風熾咸縱火謀而前賊眩怖相失自鹿蹊死擒其首遂平之遷侍御史出爲汾州長史開元中爲

高智周常州晉陵人第進士補越王府參軍遷費令與丞尉均取俸民安其化刻石頌美入擢祿書郎弘文館直學士三遷蘭臺大夫孝敬在東宮與司文郎中賀敬司經大夫王真儒並爲侍讀得告還鄉里歎曰進不知退取禍之道也即移病去俄拜壽州刺史其治尚文雅行部先見諸生質經義及政得失既乃錄獄訟考耕餉勤惰以爲常遷正義大夫黃門侍郎儀鳳初進同中書